



沃史卷之十七

欽差守東道

范印心

太原府同知署曲沃縣事張奇勛

生員盧呈瑞

校正

邑丞事述

明楊本古漳縣人恩貢萬曆八年授曲沃丞性勤

敏持身廉介煦育百姓無異家人父子時大梁欽華

沈公知縣事一切委託游刃而應庭無留牘真可謂

哦松矣尋被薦陞趙城縣尹去之日邑民卧轍軹不

得發



楊塢遼東益州人選貢萬曆二十一年除曲沃丞剛  
明有爲清操不染凡百常例悉蠲徭弗受不數月憲  
臺廉其賢能以古循吏方之後陞宛平縣丞吏民易  
故履以識不忘

評曰丞承也承尹以出政也故政純糝而民戚休丞  
與有職兢焉初治體敦厚仕風淳裕上下僇工惟  
丞亦獲盡職于時遷擢挺拔不資以拘選選名顯循  
良政紀竹素見于史載于志徵于歌頌武前踵後不  
以丞卑卑氓也今猶夫丞也而如二楊者幾何人卽  
與尉政績莫據名亦沈淪果世遠而不及知邪

時近而論未定邪抑以秩藐而厭薄之邪

沃史卷之十八

欽 差 守 東 道

范印心

鑒定

太原府同知署曲沃縣事張奇勛

纂輯

生員李丕頴 校正

教職事述

明 范方交趾上洪州人宣德間舉于鄉授曲沃學

訓導博學能文訓誨諸生親為講解經義點竄文字

一時人文鵲起彬彬稱盛先生力也久猶思之

張崙河南扶溝人正統時舉于鄉十二年授曲沃學

教諭性端雅剛方持身毫不肯苟嚴立課程考試經

義諸生賴以成就者甚多

吳佐西安後衛人天順末舉于鄉任曲沃學教諭博學勤教動以禮法綽有師範丁艱去復除稷山學諭至今人猶樂道之所著大學經傳元編行世

何鳴講高苑人正德庚午以詩經舉于鄉辛未授曲沃學教諭天性清潔狀貌魁梧有氣節講書課業無間暑寒同士子宿于號房每夜更漏二下親來督勸束修節儀卻之不受士之極貧者出俸資之俾其顯力肄業甫二載卒于官士類朝夕哭臨痛悼如喪考妣今猶思之不衰入祀名宦

曹種寧鄉人萬曆十年以明經貢于廷授曲沃學教諭賦性剛明存心正大規模嚴整訓士有方且屢卻束修諸生感德後陞徽州學正去之日士子泣送不忍別至今思之擬入名宦

評曰師之道與君親埒先儒謂深沒其名于官而顯責其効于君是不以有司目其職之重可知也若范若張若吳模範稱最矣而何高苑曹寧鄉指亦不多屈後之司鐸者苟知興起則首宿盤中誰謂止一冷官哉

沃史卷之十八  
人物志  
世有材賢譬草之有芝蘭木之有松桂鳥獸之有鳳  
麟彼其瑰意琦行姱節殊彩上銷日月之光下鏤山  
川之精社稷藉以鼎呂里閭望為著蔡不第塵瘡於  
握齟選與無賴輩也晉故號多君子而沃以特聞盤

沃史卷之十九

欽 差 守 東 道

范印心

鑒定

太原府同知署曲沃縣事張奇勛

纂輯

生員李丕新

郭凝圖 全校

人物志

世有材賢譬草之有芝蘭木之有松桂鳥獸之有鳳  
麟彼其瑰意琦行姱節殊彩上銷日月之光下鏤山  
川之精社稷藉以鼎呂里閭望為著蔡不第塵瘡於  
握齟選與無賴輩也晉故號多君子而沃以特聞盤

山繡水不自掩過毓而爲人所爲疏附於桓莊武獻之朝騰茂於景厲悼平之世者彬彬乎籍甚當年領聞來禊矣隋唐杳無可攷而元明漸著迨至于今皇化沾濡駁人輩出卽荆樹人人殊而概其生平或幹略以濟時或清白而遺後或賢峴山之碑或尸畏壘之祝或高尚以批逆鱗或抗疏而乞骸骨鳳翥龍翰雪白蘭薰偉哉洵先進之魁宿抑後人之典型也余因次第其行事人立一傳後之君子而思仰高山續世美乎則具有芳躅在矣他若武弁鄉耆貞婦遊人各列別傳中

春秋申生晉獻公世子也母齊姜先卒公嬖驪姬將廢之立其子奚齊公嘗稱疾使齊蒞事後驪姬謀於優施二五使言於公請使太子壬曲沃公因城曲沃使太子處焉旣而驪姬屢譖於公殺其傅杜原款申生遂經於新城之廟將死乃使猛足言於狐突曰申生有孽不聽伯氏以至於死申生不敢愛其死雖然吾君老矣國家多難伯氏不出柰吾君何伯氏苟出而圖吾君申生受賜以至於死雖死何悔是以諡爲恭君

欒賈清侯之孫也初桓叔爲曲沃伯欒賈傳之食邑

於欒故以爲氏賓之後曰枝佗文公霸業枝之子曰盾事靈公盾之子曰書是爲武子事成景厲悼有功書之子曰厲事悼公厲之子曰盈事平公食邑於沃韓萬曲沃桓叔之子莊伯之弟也武公伐翼萬禦逐翼侯於汾隰因有功號曰武子

士蒍字子輿陶唐氏裔也仕晉爲士師故爲士氏事獻公以桓莊之族逼謀而去之謂虢公必棄其民勸申生逃之爲秦伯後皆如所料士蒍卒子穀嗣爲司空事襄公

杜原款申生之傅也以毒胙之事獻公殺之將死使告申生曰款不才寡知不敏不能教導以至於死吾聞君子不去情不反讒讒行身死可也猶有令名焉死不遷情強也守情悅父孝也殺身以成志仁也死不忘忠敬也孺子勉之死必遺愛死民之思不亦可乎

狐突字伯行其先本唐叔之後在者爲狐氏獻

公娶二女於狐姬生重耳小子生吾狐突

以狐姬故事晉爲大夫獻公使傅申生十七年公以驪姬之惑欲易太子伐東山臯落氏狐突諫曰孝而安民子其圖之太子不聽突之子毛及偃從重耳在



秦懷公執突曰子來則免對曰子之能仕父教之忠古之制也今臣之子名在重耳若又名之教之貳也父教之貳何以事君臣聞命矣伏劔而死子偃與兄毛從亡十九年比重耳定王室宣信諸侯而霸天下偃謀居多

荀息晉公族隰叔之後荀王里人獻公時爲大夫公立奚齊使傅之曰以是藐諸孤辱在大夫其若之何對曰臣竭其股肱之力加之以忠貞其濟君之靈也不濟則以死繼之公曰何謂忠貞對曰公家之利知無不爲忠也送往事居耦俱無猜貞也及里克弑奚齊及卓子息死之春秋書之曰及其大夫然也書及所以著其節書大夫不失其官若息者可謂不食其言矣

里克事獻公爲太子申生傅公使申生伐東山臯落氏諫曰太子奉冢祀社稷之粢盛以朝夕視君膳者也故曰冢子君行則守有守則從從曰撫軍守曰監國不可帥師公不聽太子曰吾其廢乎對曰子懼不孝無懼不得立修已而不責人則免於難

介之推初從文公出亡及還賞從亡者推不言祿祿亦不及其言曰獻公之子九人惟君在矣天實置之

二三子以爲已功不亦誣乎遂與其母偕隱文公求之不獲以綿上爲之田曰以志吾過且旌善人韓厥萬之孫景公三年爲司馬敗齊於鞏有功以爲卿十五年晉人謀去絳用其謀遷於新田厲公時將下軍敗楚於鄢陵逐鄭伯不敢速樂書執厲公召之不從悼公時爲政晉於是復霸卒諡曰獻韓無忌厥長子欲立爲嗣乃辭以疾固請以立起獻子從之悼公謂無忌仁使掌公族大夫

韓起厥次子與田蘇遊而曰好仁代父爲卿事悼公平公聘於周王請事所對辭不失情聘魯觀易象夫

秋聘鄭與諸大夫賦詩末年代趙武爲政卒諡曰宣

田蘇悼公時賢人也韓宣子與之遊隱遁不仕

趙夙蜚廉之後與秦同祖自其裔造父事周穆王封於趙故以爲氏七世孫叔帶如晉事文侯又五世爲趙夙事獻公爲將有功賜以耿夙生共孟共孟生衰輔文公成霸衰生盾事襄公靈公爲政盾生朔事成公景公將下軍

趙武朔之子諡文子朔爲屠岸賈所殺妻成公姊遺腹生武賈索之急賴程嬰公孫杵臼以免後立爲卿事悼公平公爲政令薄諸侯之幣而厚其禮諸侯是

以睦於晉退然如不勝衣其言訥訥然如不出諸口  
所舉於晉國管庫之士七十餘家生不交利死不屬  
其子焉

畢萬畢公高之後事獻公爲將有功賜以魏故以魏  
爲氏萬生孳事文公卒諡曰武

魏顛頡子孳孫頡有嬖妾有疾命顛曰必嫁是疾苦  
則曰必以爲殉及卒顛從治命嫁之秦師伐晉顛  
之獲杜回顛見老人結草以亢回故獲之夜夢老人  
曰余而所嫁婦人之父也爾用先人治命余是以  
悼公立乃曰顛之勲銘於景鍾其子不可不也  
其子將新軍

魏絳顛之弟事悼公爲軍司馬戮楊干僕悼公以爲  
能佐新軍因言和戎有五利公悅之謀所以息民絳  
請施舍輸積聚以貸自公以下苟有積者盡出之國  
無滯積亦無困人公無禁利亦無貪民所以幣更賈  
以特牲噐用不作車服從給用之期年國乃有節故  
三駕而楚不能與爭

壬燮會之子會少事文襄在靈公爲大夫景公將中  
軍爲太傅於是晉國之盜逃奔於秦講求典禮以修  
晉國之法卒諡曰武燮代會佐上軍敗齊師於鞏聘

魯賂之不受厲公驕熒知難作不欲與楚戰曰外寧必有內憂後使祝宗祈死卒諡曰文

士魴會子燮弟悼公曰武子宣法以定晉國至於今是用文子勤身以定諸侯至於今是賴夫二子之德其可忘乎使佐新軍事悼公後又佐下軍卒諡曰貞士甸燮子厲公時嗣父職悼公立以爲卿聘魯拜彤弓之賦使將中軍讓於荀偃而佐之故其下皆讓晉國之民是以太和諸侯遂睦後代偃執政卒諡曰宣荀首林父之季弟也食知邑因號知氏景公十一年佐中軍卒諡曰莊

知瑩首子也號武子悼公九年代韓厥爲政遂會諸侯伐鄭令之曰修器備盛餼糧歸老幼居疾於虎牢肆告圍鄭鄭人恐乃行成荀偃曰遂圍之以待楚人之救而與之戰武子曰許之盟而遂還師以敵楚吾三分四軍與諸侯之銳以逆來者於我未病楚不能矣猶愈於戰乃許鄭成修政施德晉以復霸武子之力

羊舌職晉武公伯僑之後也伯僑之孫突爲羊舌大夫因以爲氏突生職聰敏肅給事悼公作中軍尉羊舌赤一名銅鞮伯華職之子也悼公三年祁奚舉

以任中軍尉孔子曰銅鞮伯華而無死天下其定矣其幼也敏而好學其壯也有勇而不屈其老也有道而能下人子路曰夫既有道又誰下哉夫以衆下寡無不消以貴下賤無不得周公制天下之政下士七十人夫豈無道哉得士之故也有道而能下天下之士君子哉

羊舌肸字叔向職子赤弟博學多文辭悼公十四年從荀偃伐秦平公立使爲傅三年從公伐齊十二年從趙武盟宋使與楚屈建言建不能對歸以語楚楚王曰宜晉之霸也有叔向以佐其卿楚無以當之能以禮信聘楚楚欲傲以所不知而不能鄭鑄刑書責子產以開端治罪不私其親稱爲遺直

祁奚獻侯之後也其先食邑於祁故以爲氏果而不淫事悼公爲中軍尉請老晉侯問嗣焉解狐其讐也狐卒又對曰午也可羊舌職死問孰可代對曰赤也可於是使祁午爲中軍尉羊舌赤佐之君子謂稱其讐不爲諂立其子不爲比舉其偏不爲黨建一官而三物成能舉善也

祁午奚之子也其少也婉以從令遊有鄉處有所好學而不戲其壯也強志而用命守業而不淫其冠也

安和而好敬柔惠小物而鎮定大事有直質而無流  
心悼公使爲中軍尉事平公軍無稅政

郤至爲溫大夫故亦曰溫季厲公時佐新軍郤錡郤  
犇郤至號曰三郤至有才辨爲使有禮謀事有智臨  
戎有文

伯宗晉大夫伯糾之子也賢而多智梁山崩景公召  
與謀之好直言厲公五年爲三郤譖殺

呂相錡之子也郟之役錡佐智莊子獲楚公子穀臣  
與連尹襄老以免子羽鄢之戰射共王中目楚使由  
基射死之相事厲公嘗使絕秦悼公使佐下軍卒諡

士渥濁能帥志博文宣惠於教悼公時爲太傅以修  
范武子之法

賈辛能以數宣物定功悼公時爲司空以修士蒍之  
法

荀賓有力而不暴悼公時爲戎右司士屬焉使訓勇  
力之士荀家惇惠荀會文敏事悼公爲公族大夫  
樂糾能御以和於政悼公時爲戎御校正屬焉以訓  
諸御知義

張老知而不詐悼公時爲侯奄三年代魏絳爲中軍

司馬文子爲室斲其椽而礮之張老責其貴而忘義  
富而忘禮文子服之

鐸遏寇恭敬信強悼公時爲上軍尉

籍偃談之父也悼帥舊職而恭給悼公時爲上軍司  
馬使訓卒乘親以聽命

程鄭荀氏別族端而不淫好諫而不隱悼公時爲乘  
馬御六駟屬焉使訓羣駟知禮

師曠字子野晉樂師審聲知音時稱多聞悼公問衛  
人出其君不亦甚乎對曰良君養民如子若困民之  
主百姓絕望將安用之平公立問君人之道

愛任賢廣開耳目不溺於流俗不拘繫于左右爲對  
楚大伐鄭乃曰不害吾驟歌北風又歌南風南風不  
競必無功旣而果然石言于魏榆則以宮室崇侈民  
力彫殘爲諫平公悅新聲則知其公室將卑嘉言忠  
論裨益良多

程本字子華反自郟遭孔子于途傾盖而顧相語終  
日甚相親也孔子命子路曰取束帛以贈先生子路  
屑然而對曰由聞之士不中間見女嫁無媒君子不  
以交禮也有間又顧謂子路子路又對如初孔子曰  
固哉由也詩不云乎有美一人清風婉兮邂逅相遇

適我願兮今程子天下之賢士也於斯不贈則終身弗能見也小子行之簡子欲仕諸朝不能致乃遣使者奉纁幣聘以爲爵執圭是時簡子殺竇犢舜華孔子爲作臨河之操子華子亦逡巡不肯起簡子將脅之以兵遂去之齊齊景公不能用也乃館于晏氏更題其書曰子華子簡子卒襄子立子華子反于晉時已老矣遂不復仕而卒葬于縣西龍頭山邑人立祠祀之

漢靳強其先西河縣人信武侯斬歙之後以郎中騎從高祖擊項羽破鍾離昧封汾陽侯後徙沃之曲沃遂爲曲沃人有墓存焉

宋許孝恭字光祖爲人淳直肄業晉賢山絕聲色足不履城郭任彭州九隴縣尉兼主簿事時李文吉劫州官吏盡避孝恭獨率公徒拒之卒擒文吉上特授棘丞官至虞部員外郎

寧智字希武望絳人登嘉祐鄉進士精通五經教授晉絳間人多登通顯哲宗問樞密院副使王巖叟從誰學對曰從河東寧先生由是海內知名

李居仁東關廂人當宋末父直早喪事母至孝日授生徒以供飲膳定省無違母沒築土爲墳高四丈餘



時名其族曰墳臺李氏名其巷曰孝母巷至今傳誦之

**金**許琇南關廂人讀書樂善登大定進士會兵亂負母避居山東既而歸鄉服父之喪始終如禮鄉黨取法焉子良力田積善不求聞達孝行昭著廬親之墓三年不怠里閭稱爲孝子子天麟

天麟字君祥自童稚時寡言笑不樂嬉戲而博學能文章尹河津同知堅州事出奸慝去苛細政尚寬簡求民之瘼而悉除之邑民傳誦焉以奉訓大夫晉寧路判官致仕子從吉益

益字受謙優問學善楷書尤工於詩由國學生陞正令名愈彰雖食頃亦置書几案間人皆以遠大期之未及強仕而卒子德基任晉城知縣

**元**李謙亨興道坊人英宗時以儒士辟歷內臺侍御史時建西山佛寺甚亟謙亨與御史觀音保等以歲饑且東作方輿上疏極諫帝怒決杖文面安置口外之地是以海內知名後上思其忠鯁召還授浙東海右二道廉訪使卒封隴西郡侯諡忠肅

靳和汾陽侯強之後曲村鎮人居鄉喜周貧乏導人以善金貞祐間兵擾團結鄉人保障後率衆三千歸

元太宗嘉之錫以金符官以鎮南大元帥復從破河  
南授絳州軍民長官政治公平勇而好義子用

用字祐之六歲從張理之學壯仕爲曲沃翼城令有  
能聲改榮河尹奉法循理勸農興學後拜監察御史  
僉陝西漢中道按察司事擢嶺北湖南道肅政廉訪  
司使公忠廉愛剛直謹簡故能臨民以德執法不阿  
所在立祠勒碑以朝列大夫晉寧路總管府事致仕  
父子忠盡士林稱之子德政邳州判官德信將仕郎  
德謙禁直宿衛德淵後贈兵部尚書封西河郡侯德  
昌好學善屬文德淵子榮

榮字時昌由進士任京官陞監察御史骨鯁敢言  
古箴古風轉本章閣承制學士博學能文沃之碑刻  
誌銘多出其手至今可傳誦焉

昂字克昌六歲知學長通六經而稍未解日夜殫思  
諸疏義悉能默誦而不喜爲文章然落筆卽就作者  
不能及奉母王氏于兄榮宦邸母卒昂與兄護喪還  
家至平定之平潭大雷雨昂伏柩上呼天長號不忍  
舍去遂爲水所漂沒後得母柩于三里外得昂屍于  
五里外事聞詔賜孝子碑銘其墓

劉尚質字仲殷張亭里人博學能文登泰定丁卯進

士任稷山令守已廉平邑人感德遷翰林編修後拜內臺御史忠直敢言得風憲體引年休致日與學士靳榮題咏邑人以二賢名之

許國禎字進之高縣里人祖濟金絳州節度使父日嚴榮州節度使判官皆善醫國禎博通經史尤精醫術金亂避嵩州永寧縣河南平歸寓太原世祖在潛邸國禎以醫徵至瀚海留守掌醫藥莊太后有疾國禎治之刻期而愈世祖卽位授榮祿大夫提點太醫院事賜金符至元三年改授金虎符十二年遷禮部尚書國禎嘗上疏言節財賦禁服色明法律嚴武備

設諫官均衛兵建學校立廟儀事多施行凡所薦皆知名士世祖嘉之遂拜集賢大學士進階光祿大夫卒年七十六特賜金紫光祿大夫諡忠憲後追封薊國公子辰

辰字君黼一名忽魯火孫從其父國禎事世祖于潛邸進退莊重世祖喜之賜今名令從許衡學入備宿衛忠慎小心俄除禮部尚書提點太醫院事又與丞相安童善國政多所贊益成宗卽位遷中書右丞行太常卿力辭乃命以中書右丞署太常事俄改陝西行中書省右丞後特授榮祿大夫大司徒追封趙國

公諡僖簡

靳頡曲村人任征西大將軍臨陣不避艱險陣亡獲其尸而失其首錫以銀首連葬

明 仇敬字仲立蚤年同郝修已隱紫金山勵行慨慕宋儒而淹貫百家摛文不作秦漢以下語志氣軒昂義不少屈洪武三年開科一出薦鄉書第一明年登二甲三名進士時國家瘡痍甫定人疲征輸公爲政培以寬厚守綏德綏德人尸祝之入名宦歷陞鞏昌守鞏近邊徼人不習文公建孔廟口授經史士乃興學以外艱歸卒於苦茨惜才未竟於世子基以

衣直裰奉高麗平泉尹孫騰以明經授歷城縣  
政 仇氏書香二百餘年未艾沃之文風大河以東  
特勝實公首倡云

李新民家居積書數車不求聞達洪武八年以明經  
舉任宣城知縣陞江西按察司僉事廉介無私引年  
致仕

郝修已洪武九年以明經舉第一任戶科給事中改  
朝城知縣操持清介任滿夫妻負囊而歸朝廷聞而  
嘉之擢刑部郎中明刑弼教賜以紫金山一區今名  
郝家山子孫世世居焉量徵糧五斗三升以旌之

王七南關廂人以布衣爲塾師當文皇革除時上章闕下極論君臣大義其畧曰以臣伐君可謂忠乎亂祖宗傳子之制可謂孝乎欺其孤而奪其位可謂勇乎纒纒數百言極爲指斥上嘉其直欲官之不屈唾詈轉益甚太宗大怒遂斷其舌至身故收家被籍不少悔焉

曹端字正夫其先閩村人本姓楊氏五世祖嗣以父命繼舅後因姓曹父敬祖徙澠池之窟陀里生端端生而舉止莊重父因命名曰端九歲通孝經忠經十六歲五經四書性理綱鑑儀禮周禮諸子等書無不

通曉永樂戊子以葩經薦鄉書第二明年己丑登乙榜進士授霍州儒學學正司風化之任而又倡明道學於是諸生翕然向風以艱歸詣沃拜祖塋族人留居旬日抵家廬墓三年後補蒲州學正復以報政至京蒲霍二州各上章求端司銓以霍奏先至遂補霍州尋卒葬霍城東高氏之原所著書有性理文集家規集畧夜行燭四書詳說通書述解西銘述解童子箴存疑錄儒學宗統譜性理論孝經述解拙巢鳴又爲月川圖詩其詩曰天月一輪映萬川萬川各有月團圓有時川竭爲平地依舊一輪月在天學者因稱

爲月川先生

耿純洪武中父鐸以間右起實南畿宣德間中應天府鄉試任國子監學錄陞大名府通判以詩經名世有詩對押韻刊行沃文風實藉興起雅善善義方課四子三成孝廉文聰文明明官郡丞文睿成進士歷官陝西布政司叅議其爲人質純而操介守正不阿遇事敢爲輕財睦族其天性也所著有詩經精粹藏于家

靳馳昂之後正統間以邑庠生補河南掾聞母喪不顧妻子號泣步歸廬墓三年能格鳥獸之異事聞於表其門

因禮字恭遜性純篤不妬景泰庚午舉于鄉明年中會試乙榜授武功司訓模範畫然康海志武功曰曲沃因禮有令名後歷清澗禹城教諭與御史白行中相善行中憐其才欲代囑當道禮曰如之何愛我而點我哉卒不許後又掌松江教携壻李浩子綱及門人趙鐸如松授業鐸家屢遺朝夕資一無所受于松成造更多錢福輩皆其門人也錢溥贊曰持三十年之教鐸布四學校之陽春至今人猶傳誦云

李進字時勉其資性簡重清介人也歷官中外三十

餘年志不少渝爲政明敏所在有惠政及人廣平濟南等處皆立生祠祀之歷官都察院副都御史戶部尚書洪洞韓文銘其墓

因綱字叔大精楷書工古文詞成化丁酉舉于鄉授滄州守正大廉慈絲縷無漁于民恒素衣如貧士民稱布圓領因爺民罹法矜而諭之不悛始加以刑旣卒貧不能歸櫬時上下多資賻者乃得歸附櫬所載惟家人紡車一具觀者莫不流涕後列滄州名宦祠李浩字師孟由進士仕至禮部尚書儀宇魁梧議論皆經濟語見者畏而敬之孝于親友于兄弟出入九

卿歷仕三朝處事謹密自奉儉約因天變上疏不報乃屢疏乞休璽書褒美進太子少保致仕歲給輿皂仍賜勅給驛以歸後逆瑾竊柄宸濠構亂乘輿數出大臣恟恟危懼始服公之先見云卒年八十有五計聞詔有司給祭葬如例又特贈太子太保賜諡莊簡詳墓志大學士嚴嵩撰

邢彪弘治初以明經任三原縣丞博學篤信公廉正直苞苴關節不通一如尹龐輔而儉又過之雅不肉食惟茹野菜樹葉而已嘉蔬美味未嘗入口羅綺錦綉未嘗被身下鄉收糧勘事自裹乾糗無分毫擾人

後考察罷去方自餉邊而歸至淳化聞信卽不入邑  
然貧不能歸乃擇咸寧僻處陋室以居朝夕玩誦經  
史有得輒筆之雖食不克口衣無完服而其容如渥  
丹氣常浩然

李鏞字伯音浩之子登嘉靖丙戌進士筮仕知縣輕  
徭節費儲廩興學一切與民休息繼遷御史務大體  
不鷹擊毛摯然貪墨吏往往畏之仕至兩京府丞剔  
奸摘蠹一吏軌民得京兆體謝政家居月旦必正衣  
冠北面展拜教子孫恒以無負國恩無忝先德爲訓  
後列鄉賢祠

梁綸字文音生而穎異好讀書嘗謂太史公多遊  
山大川而其文豐潤暢溢遂慨然着遊屐覽東南  
勝正德癸酉以禮記領本省鄉薦數阮公車因謁餘  
爲隆慶州守勤勞廉介剔蠹字嬰歷七載如一日政  
成膺天書如功令遂思尊鱸去去之日百姓如失慈  
母擁輿牽留車爲之圯已立生祠祀之尊入名宦  
而掩關守正足不近公庭時與邑賢士夫莊簡公董  
爲直率會數以齒德重賓筵嘉靖壬辰歲比不登  
出俸餘賑之暇日披吟較初年不少倦多識奇字  
聲韻因著稽古叶聲二卷享年八十又一



李廷寶字國用性篤言簡爲孝廉時守清貧耻干議  
居家孝友爲諸弟稱貸完娶宦稍久出俸金分給之  
作宰清苑民疲路衝會世廟詣承天往返寄途勞  
費萬端公爲多方調劑民賴安堵後兩守景耀兩判  
淮鳳陞左史翱翔仕路三十年一切與民休息不近  
名能容人有犯不與校好學出於天性邑舊無志士  
創之所著先賢事蹟錄蘇軒詩文牧民懿矩兵機要  
畧等集行于世

李君錫敬之孫幼丰姿玉立李莊簡爲其女擇  
公公坦腹不就莊簡益偉其器竟以女事

文名傾三晉督學使試平陽真高等携試上堂  
無出其右後以選貢貢于庭筮仕襄陽別駕會  
有征苗之役推公督餉公展其才遂成平苗大績  
功方議超擢無何以丁艱歸復除登州惠政布海  
上著寧海文登兩地人至今思之以疾乞休養高林  
非公不謁值有大事大疑邑主者多造廬請決月  
巨推重有過於居尊位者今其孫時隆登己卯賢書  
時古登戊戌甲第餘遊黌序者數十人沃中稱子孫  
蕃衍衣冠文物盛而且久者必首仇氏皆公餘慶也  
李承華字中素浩孫鏞子生而岐嶷十九歲膺賢書

下未成進士筮仕大行擢御史實邊伍清宿弊襁送  
鸞之奸謀條備邊之五策晉位棘卿久之以展烏鳥  
私再疏致歸侍左右日以文史自娛非公不謁屢薦  
不起督府鄭範溪疏薦去志節孤高才猷宏碩遺跡  
山林城市罕識其面力行古道田夫亦仰其名蓋實  
錄云所著有中素稿已卯甲申等集藏于家季子循  
領壬午鄉書科第凡四世

李明性字復本金進士源之後初業儒後以子尚思  
貴贈右副都御史爲人長厚有偷兒犯之勿問偷兒  
自誣請罪有鬻業者僞增其直償之如其指不重

較族子甲出錢收息過當名而責之手裂其券嘗自  
恨廢學課諸子讀斬斬有程頃刻不令去敖盪戊午  
子尚思舉省試第一已卯孫永培復舉省試第一妻  
宜人卒當右窆青鳥家言其不利公曰家昌在德不  
在窆竟右後入祀鄉賢祠詳具大學士山陰王家屏  
撰志中

許遜字伯恭琇之後生而穎異寬弘敦孝敬甘恬淡  
博學遐覽尤精文定春秋嘉靖丁酉舉于鄉屢上春  
官不第後謁銓授河間令守正不阿百務盡平會當  
路者厚需于公公曰吾素不諳捷徑夤緣媒權非吾

寶也居八月拂衣旋里囊無長物已築精舍樂育生徒大參李日強輩悉出其門居鄉恂恂月旦推重卒年七十有八

李日強字元莊少貧而喜讀書事繼母最孝說者以爲有閔損風嘉靖辛酉以春秋舉鄉試第一乙丑成進士授宜陽令裁里甲冗費革歲供良馬以治行高第擢禮科給事中會隆慶取太倉銀三十萬入宮公抗言極諫人皆危之又有養儲德崇實政疏凡人上上輒報可歷陞貴州左叅政屢疏致歸歸卽杜門課讀自奉儉約接人和易值歲饑賑粟百石邑人沾

惠所著詩文藏于家

李大嘉字子美登萬曆甲戌進士賦性廉潔忠厚正直筮仕清苑地瘠民疲公裁夫馬招逃亡時江陵柄國尤七擅權貪緣者爭巧爲逢公終無餽遺後擢戶部主事權稅滸關再晉正郎督儲陝右出納明允勤慎王事竟卒于官命子以家產與兄均分士論高之劉朴字華甫隆慶戊辰進士初授壽光令值大水城幾圯多方拯溺衆賴不魚頃復值歲饑公畫奇煮粥有古遺愛風繼遷汲縣令明廉果斷汲人稱爲神君陞戶部主事監兌鳳陽條畫儲政多所建明後考績

歸省未幾而卒

呂乾健字天常貌豐腴有奇相淳厚莊凝中無城府事父母以孝聞第乾中客死洛陽公匍匐以其喪歸登萬曆丁丑進士授商丘令下車卽勞來撫循興利除害招流民三百餘戶開荒田數百頃治行稱河南第一轉計部郎監兌館陶詳出納杜浸漁綜理周密得軍民歡心去後爭伐石頌德入祀名宦後轉餉雲中事竣歸省未幾卒才不盡展人有遺恨所著有理學源流奉使漫稿等書藏于家軼山西通志祀鄉賢崇禎丙子孫珉磨舉于鄉人以爲盛德發祥焉

李承寵字達甫浩孫鏞子生而穎秀絕人治壁經爲諸生時聲藉甚萬曆庚辰貢入太學赴京至方順橋夜宿逆旅橐中裝十金童僕與主人探囊竊去公毫無動色更以溫言解之同貢浮山趙某宦河西卒于官樞至侯馬其子鬻衣爲費公卽贖數金始得歸且生平孝友謙抑不妄交游澹泊簡靜琴書自適晚年焚券施穀全活者衆壽六十七而卒甲午仰備二子全舉于鄉人以爲德徵云

李承志字道甫浩孫鈞子幼岐嶷不凡性生孝友登萬曆甲戌進士初令汝陽一時稱最繼轉戶曹督權

維揚潔已便商場二山魏確菴屢舉其才迺出僉蜀  
臬分巡川北至則申嚴法令特著風采改備兵威茂  
恤軍撫民馭番以信番人畏且感之遂陞環慶副使  
值倭劉難起朔方時公督餉軍無乏食寇平拜賜白  
金文綺未幾而卒

因柱字汝石隆慶壬申貢于廷授臨清判清丈煮賑  
修河造艇皆有異績三署州篆一無所取監稅太山  
焚香署博平又署泰安上官廉其能擢安塞令會災  
瀕仍焦心卯翼三月而邑稱治後致仕與弟梓栴日  
爲家庭飲語及析七箸淚淫淫下至三世猶同居焉

年八十四而卒子其志萬曆戊子薦鄉書授南皮令  
再補醴泉令

郝根修已之後家貧爲人傭保有母年九十餘得羹  
食必歸奉之妻張氏不孝根知而出之月旦推重焉  
李日煦字叔和廷寶之子簡重寡言笑隆慶丁卯以  
麟經薦鄉書五上公車不第謁銓除掖縣令至則摠  
賦平徭民無負累歲侵發倉以賑往往多奇策太宰  
趙吉亭稱曰二十年來無此賢令尋擢大名府丞攝  
開州元城長垣大名滑縣等篆所至咸有惠政去之  
日民遮道卧留不得遂肖像祀之後遷商州守以抗

辭忤稅璫乃拂衣歸田比蓋棺閭邑慟悼皆以老成  
凋謝惜之

李永培字天厚侍郎尚思之子生而奇穎總角時日  
誦數千言經目輒不忘十五工詩賦十六應童子試  
文譽鵲起歲試冠多士餼于學宮己卯遂首賢書往  
侍郎公以弱冠發解公又以廿齡接武海內侈爲盛  
事己丑從父宦蜀次寶維曾弟永達喪躬視含殮諸  
凡肅備其友愛若此居恒恬素絕不作貴介公子態  
爲孝廉二十餘載無隻字干公衙士林重之又明習  
國家典故士大夫有所諮訪能悉始末訓應聞者悚

服著梅軒詩稿藏於家比卒少孱事關西王圖銘其  
墓

衛嘉孚字臨山卑孫根陽子生而高潔俊朗廓落淳  
泓少讀父書卽有志於太史公名山大川父根陽學  
者稱爲清泉先生者關首葺齋於雁門黃卷青毡宦  
情如水公慨然曰吾儒家耕硯石者三世食指授衣  
林立亂先生天空淵靜之襟遂投筆而起居奇四游  
期以跨鶴拓素業灑風沐雨斯邁斯征卒於儀真旅  
次人咸嘉嘆此幹蠱而竭力以詩文遺後之仁人君  
子其還遺金焚馮券頌酒德公之末節耳子周胤貴

贈大理寺少卿以大學士周祚移封贈少師刑部尚書公報親天報公崇祀殉賢多士景仰焉

李尚思字從學生而穎悟非常閉戶讀書蜚聲菽苑中嘉靖戊午解元登隆慶戊辰進士一時輿論稱之以爲不媿科名云初授工部主事轉吏部文選郎中嘗於公署書進君子三字蓋其所自矢然也歷陞四州巡撫時巴蜀羽檄交馳公多方勦撫勒石雪嶺而還擢吏部左侍郎後贈兵部尚書萬曆己卯子永培復中解元橋梓皆鄉試第一人不但爲沃僅見即海內亦不多遺賦歸林下壽臻古稀之餘優游以終其享箕疇五福之全矣

李棠南閩廂人有至性生髮甫燥常依父母既壽其祿孝養彌篤當弗怙弗恃哀毀骨立幾至滅性先後廬墓六年嘗於墓次早起見路隅遺橐發視有字爲太平縣某之遺躬往送之平庠諸生以廬墓還遺事言之平邑長申之觀風使者檄原籍表其由本縣何公質之通學人人稱爲實行復之巡方扁其門曰柏臺旌孝歲給布米以彰激勸天啟六年公年七十有四巡按御史劉開之朝得建坊里門曰純孝天成盡人悅服學者稱爲忠齋先生再四年公卒著有忠孝

錄景仰顏會錄覺後五歌人子十二惑等書藏於家  
蘇州俊字虞廷萬曆辛卯科舉人朴心介守有古人  
風初與曹貞予馬少墟先生結社講學河東士人以  
夫子稱之筮仕許州廣文訓士子以實行為本一時  
名流如蘇繼歐輩皆出其門及遷秩學宮建祠監碑  
寒暑冷獰羨為曠典後令南召縣再起令南鄭縣尋  
陞漢中郡丞歷官二十餘年所至俱有善政清風峻  
節彷彿楊伯起之居官云及歸囊橐蕭然惟圖書數  
卷而已父沒廬墓三年月且推為流品第一西安崇  
祀名宦今子若孫皆相繼領鄉薦人咸謂德徵云

閻重光字紹南生而丰貌雅飭穎慧度越釋流祿閣  
西丘之藏搜索殆盡又留心聲韻多識奇字為文古  
穆宏深卓有馬遷風試輒高等壬午中乙榜本邑及  
鄰縣人士負笈從遊者甚衆屈指入象璜者可五十  
人列賢書者則秦君廷柱王君維垣也戊申李本寧  
觀察禮聘通省志辛亥趙潛靈明府敦請纂新城  
史莫不了於心而指諸掌益由其負史才而腹笥足  
以供驅使也業師徐歿而家貧公酷暑赴洛禮葬之  
迨十入秋闈困於數奇僅以明經司教鄆陵每得俸  
金必荐二親又訓士多方秉鐸不愧兩臺交章有學



有源本才堪牧邑之語竟以夙病卒於官人爭惜之  
張國光字賓吾賦性通融氣度和藹亂年投書過目  
輒能暗疏了大義十九補博士弟子員便有文正任  
天下之志登萬曆辛卯賢書築精舍喬山之麓肆力  
六經無他營公車凡七上弗捷謁選得蜀屏山令在  
任均賦裁馬革役交田賦李毛春積年之寇佐陳兵  
憲餉運之窮卓有成績後丁外艱歸里已未補夏邑  
令其暨荼撫民一如其在屏山時也尋以資俸陞計  
部主政轉員外子洪胤中今順治丙戌舉人積德餘  
慶信夫

衛嘉遇字雲山尊孫根陽子生而淳厚莊凝讀書能  
解大義性至孝幼從父廣文清泉公官代庠及教授  
益王府曲盡溫清之節迨長念三世明經未能鼎  
新一椽用是投筆遊燕趙間越間歷諸名勝且爲人  
耿直善於排難解紛間黨間有未明事率與質成於  
公片言決之苦心折而去丙子厥器周祚發鄉榜第  
一公方在燕即誨之曰此祖宗陰陽所積努力讀書  
毋墮三世清白家聲丁丑連發筮仕李永平公以單  
騎就祿養無事肩輿三年報政多水藥聲又多所全  
活皆公義方之誨也迨行取授戶主政買草之役艱

難萬幾矣。精於客中代竣其事。後改銓部清約如神。公恬然安之。其忠厚廉節。誠大體如此。後以子貴。贈少師文淵閣大學士。刑部尚書。公舉祀鄉賢。當事已批名。而相國體公心謙讓。未遑。恐公論大典未可久稽云。

郭允升字大猷。生而古貌。朴心。規行矩步。掩閣讀書。凡濂洛關閩。秦漢左國。莫不詳究。得其要領。一編之。并無復他務。絳帳開汾曲。負笈從遊者甚衆。學者做之。龍門王通。每小試輒冠。多士稱懸國門。人爭傳誦之。幾合洛陽緡。貴屐以數。竒不獲雋。迨癸卯年。已六十

十餘。乃以壁經冠本房。一時稱爲得人。甲戌。署濰。鐸沃。人士有吾道東矣之嘆。及至濰。老而益壯。初志不衰。日聚濰人士。講求性命文章之業。富者教以敦行。貧者却其束。修濰人稱爲山右夫子。後以疾卒。任所濰士扶柩泣送者數百人。

許永禧。遜之孫。賦性耿介。落落寡合。讀書破萬卷。戊午薦賢書。屢上春官。不第。謂銓得上。蔡令蔡故衝疲。邑又值兵燹。公至。勞來撫循。加意休息。效鄭俠繪圖入告。得蠲賑。民稍有起色。蒞任六年。已報政。給封將行。取忽流氛猖獗。河以南無一寸乾淨土。勢甚震恐。

僕役輩咸勸公去公曰余奉命長民逃將安之亦城  
亡與亡而已因自題畫像有云無能安鴻雁于桐野  
無能滅萑苻于著城生既已瘵官苟祿歿何須畫影  
圖形雖子孫痛報本之末由思世二血食未免留世  
世不忠孝之名未幾城破公死之洵張許之儔歟祀  
名宦鄉賢

上官蓋字秉赤乙卯科孝廉生而磊落軼羣不啻淵  
泓壁立筮仕出宰順義縣順義畿輔巖邑權貴多阻  
撓蓋守身如玉執法如山歷官三年餘交章而薦者  
十七疏方擬擢秩青鎖觀旂常事業奈兵戈大起殉

城死難古張許之忠烈可先後接踵也蒙卹典賜諭  
祭追贈光祿寺寺丞

盧閣前進士世登繼妻王氏子襁褓失父孤寡相依  
家計不甚豐厚蓋憂二乎難之稍長性至孝祖父母  
歿代父廬墓偶遊京邸思母心悸即日還歸母果病  
焚香告天願以身代舅其貧且乏嗣死無棺蓋已田  
以殯之異母兄病日夕省候不間風雨有咳以分析  
未明俾爭訟者日命薄難享厚貲豈忍以阿堵傷手  
足鄰有回祿之變僅隔一壁火及風返人以爲孝感  
云事聞建坊旌其間

李濟沆字覺法登癸卯科賢書爲人風骨稜二無纖趨脂韋值闖兵逼沃抄括民財名日追餉知沆處素封勒索百萬餘酷刑峻拷虐焰慘天自分禍起非常命也士可殺不可辱其死如節終不出一屈折語死之時風霾暴作天色黯然見危授命意者其有當乎王維藩字鼎鎮壬午科孝廉聰慧能強記負性端嚴哀然塵俗外人甲申之變逼令選職効用授以青州司理弗受再授以保定府尹及順天府尹皆弗受時司銓者大怒欲挾之以刑間日促令領官憑赴任乃以皂莢屑揉目兩眼赤腫不可行遂得免隱疾終

### 國朝

賈生芝字蓉嶼號瑞石幼而岐嶷不凡長以孝友特著丰姿奇偉顧盼炯如喜交遊重然諾臨事慷慨遇人有急罄囊賙之不恤也居常治藥餌以贍窮人俶書院以穀多士修葺養濟院以恤孤貧軒轅廟古路數十年淪爲邸店公得之仍以捐廟合邑咸稱快舉交里當滄河之衝古無橋梁每值秋潦涉者爲艱公憫之嘗捐多金庀材運石不逾歲而橋成屹然稱鉅觀焉車馬駢闐農商絡繹往來者稱便至邑有大利害輒詣公堂言之必請可而止凡遇雀鼠之爭一言

解紛人各厭服以去彷彿陳大丘之居鄉云晚年築園西郊植卉種蔬日偕二三故舊啜茗引觴一切門外事槩不與聞其曠懷高致與物無忤咸不知爲富貴中人也享年八十以子貴封光祿大夫工部右侍郎再贈兵部尚書

衛周胤字斯盛嘉孚之子賦質凝重豐頤廣額八歲授尚書輒成誦弗諸兒戲角唯溫清依父母十歲而孤便矢以下帷報終天公玉骨秋神爲學之餘無旁務識度冲夷文章閎奧登崇禎甲戌進士授金華府推官風格峻整利興害除舉卓異行取擢御史抗疏

斥秉軸性命不惜毋論謫官順治乙酉差按真順廣大地方公奠安畿輔差竣掌河南道御史印尋陞大理寺少卿日唯握丹筆求其生不忍下一深文慘刻語俄陞工部左侍郎再轉兵部左侍郎在工理工政在兵理兵政大有所建白乙未告病歸里杜門却掃葺園栽花課二僮子讀而已優游閑適者六年無疾而逝所著書數種藏于家

賈國楨字伯幹生芝孫漢復子生而奇穎不凡徇齊孝友弱冠補博士弟子員卽以英絕領袖食古下士之祿順治九年奉 恩詔以明經選入對大廷謁選

授蕭山令甫下車而蕭然民則入告如慈母之煦弱  
兒兵則斂手如猛虎之制羣獸至於進兩造於庭以  
情理折衷片言而決退而無不嘆其神明其不直者  
則曰此亦吾赤子也稍以蒲鞭示辱毫無鉤金束矢  
之議鄰境數百里之外皆請於督撫而願聽命於蕭  
服其斷服其明服其誠耳縣治頽敗城闔傾圮悉與  
經理繕治堅固完好視家事然絕不征夫役之分毫  
課行商坐賈之錙銖也夜必巡行閭巷星而出星而  
入雖風雨不倦其勤子衿之士與之以溫霽月有課  
課有給彬彬焉無非公至於偃之室者矣其理衡察  
之馳驛竟爾安閒處彈丸之幅幘居然寬大他人所  
謂清者飲此鄉一杯水而已公毀家之所有以補其  
地之缺歷歲積逋不啻數千金其真古之遺愛哉上  
昇之日言不及私計聞之刻百姓哀動閭巷罷市停  
舂踰踊而呼天絮酒而野祭者難以數計也公歿之  
後山居之蕭人見有道從端冕而過者追察之乃公  
也駭而問則曰城隍神也始知公生爲純臣歿爲神  
明云

周冕字仲服邑庠生學閔子生而孝弟敦龐百凡淳  
謹髫年好學鑽研八股具見苦心丙子中副卷益下

惟奮志溫清之外手不釋卷甲申之變逆闖拷掠諸  
縉紳父城固令爲所拘係冕痛父老求身代弗許乃  
步步追隨不肯少離父側甚至炮烙相加膚背無完  
肉亦所甘心也迨父歿本府號痛不欲生踈跣扶柩  
歸於家鄉里嘖嘖稱爲周孝子云

評曰高山仰止景行行止故勢殊地異心且嚮徃况  
生同鄉曲者乎邑故多賢見于經傳者自恭世子以  
後迄于今得若而人或蘊爲德行或發爲事業或煥  
爲文章總之先民之軌也夫沃人士而不思齊沃人  
而思齊不煩借賢異地矣

